

اوپنات گمرومیه کیموعمیه

هفته لقی سیاسی ، ادبی ، علمی غزته در

جلد : ۳

سنه : ۲ ۲۰ ربیع الاخر ۱۳۳۶ جمعه ایرتسی ۲ شباط ۱۹۱۸ نومرو ۲۲ — ۵۳

اجمال افکار

فاضل محترم علی امیری افندینک عرفان ملیزم حقنده اوتهدنبری صرف ایتکده اولدقلری کنجینه همت بتون محافل فکریاتمزجه معلوم اولدیغندن بو بابده سوز سویلکی زائد کورورز . مشارالیهک برعشق حقیقی ایله نوادر ملیه ومفاخر فکریه مزدن بوکره ساحه تبعااته وضع ایتدیرمکه موفق اولدقلری بر اثر کزیندن ، « کتاب دده قورقود » دن بحث ایتک ، شو حرب عالم شمولده بیله علم و عرفان ایچون وطن عثمانیده شایان افتخار بر فعالیت موجود اولدیغنی یار واغیار نظرنده اثبات دیمک اوله . جغندن ، برقاج سطرله اثر حقنده بعض مطالعات سردینی وظیفه دن عد ایدرز .

« قورقود دده » صدر اسلامک ترک رجال مشهوره سنندرز . ترک ملیته عائد مشارالیه طرفندن غایت سلیس ونزیه برلسان ایله یازلمش بعض حکایاتی حاوی اولان بر اثرک برلین کتبخانه ایمپراطور . ریسنده بولندیغنی وقتیه علی امیری افندی استاد مز طرفندن معارف ناظر سابق شکری بک افندی یه خبر ویرلمسی اوزرینه درحال برلینه مراجعت اولمش و صورتی فطوغراف ایله استنساخ ایدیلهرک بورایه جلب اولمش ، بوکرده معارف نظارت جلیله سنجه کتاب شکلنده باصدیرلمشدر .

اثری تدقیق ایتدک ، حقیقت حالده ملیته مربوط اولان هر فرد ، بونزیه کتابک سلاستیه افتخار ایدیه بیلیر . لسانمک ساده لکنی انکار وترجعه ده افکارک آچیغجه افاده سی عدی الامکان اولدیغنی ادعا ایدنلره قارشو بو نفیس اثرک برقاج صحیفه سی مسکت بر جوابدر . طبقات منوره مز ایچون برخزینه اولان بو اثرک کوشه نیاندن قورتارلمسی خصوصنده مکرم استاد مز علی امیری افندینک واقع اولان همترین نه قدر متشکر ایهک ، بو بابده فدا کارقلر اختیار بیوران معارف نظارتنه ده اودرجه منتدارزم .

ہفتلق پارچہ عرب و سیاست

[۲۳ - ۳۰ کانون ثانی ۱۹۱۸]

صلح مذاکراتی حال توقفہ در۔ مجلس مؤسسانک کشادندہ حاضر بولونمق اوزرہ پترسبورغہ عودت ایدہن، روس خارجہ قومیسری و ہیئت مرخصہ رئیس (تروچکی) نک (برہست - لیتووسق) دن مفارقتی ایشہ طبیعتیہ سکتہ ویردی۔ و اتفاق مربع مرخصلری دہ برلینہ، ویانہ یہ، صوفیہ یہ عودت ابتدیلر۔

بو سکوتدن بالاستفادہ کرک آلمان باش وکیلی قونت مہرتلینگ، خارجہ ناظری فون (کولمان) و کرک آوستریا خارجہ ناظری قونت (چرنین) صلح مسئلہ سی حقندہ بوتون جہانہ قارشی ایراد نطق ابتدیلر۔ بو اوزون نطقلرک خلاصہ سی :

اوقرائنا جمہوریتلہ عقد صلح ایدلک اوزرہ اولدینی فقط (بولشہویک) لک مذاکراتک بدایتہ نسبتہ شیمدی مشکوک بر طور طاقیندقلری مرکزندہ در۔ معافیہ اتفاق مربع قوتہ امین اولارق وقایعہ نکہبان بولونمقدہ در۔

دیگر طرفدن اتفاق مربع (اوقرائنا) ایلہ عقد صلح ایدہ جکدر۔ اوقرائنا مرخصلری تورک مرخصلریلہ اولان مکالمہ لرنده پک زیادہ تمایلات ائتلافکارانہ اظہار ایتشلر و ہرنہ قدر قفقاسیہ و ایران جہہ لریلہ علاقہ لری یوقسہ دہ، قارہ دکز و بوغازلر مسائلندہ بوملہ اوزلاشمق ایستہ دکلرینی ایما ایتشلردر۔ آلمان و آوستریا رجانک اوقرائنا ایلہ صلحی بر امر قریب کی اشارت ایتدکارینہ نظراً بالطبع اوقرائنا ایلہ عقد صلح، (بولشہویک) لک شیمدی مشکوک و مظلم حرکاتندہ نہایت ویرہجک، اونلری دہ عقد صلحہ اجبار ایلہ جکدر۔

☞ زیرا روسیہ احوال داخلہ سی دہ پک فنا کیدیور۔ بولشہویک ل شیمدی مملکتک ہر طرفندہ فنلانندیادہ، اوقرائندہ یکی تشکل ایدن حکومتلرہ قارشی تدابیر حربیہ و زجریہ اتخاذا ایدیورلر۔ اقوال لینہ و عاقلانہ لریلہ بو ظالمانہ حرکتلری بر برینی طوتمیور۔ نہ فنلانندیادن ونہ دہ اوقرینادن عسکرلرینی کری چکمہ مکدہ اصرار ایدیورلر۔ بو آکلاشیلماز بر حرکتدر۔

دیگر طرفدن مجلس مؤسسائی بر ضربہ دہ قاپاتدقن صکرہ یوزلرچہ مؤسسان اعضاسنی دہ تحت توقیفہ آلدیلر۔ ایوم پترسبورغہ دہ تدہیش سیاسی حکمرمادر۔ کورولیورکا (بولشہویک) ل، کندیلرینی موقع اقتدارہ چقاران صلح مسئلہ سندہ بر آرز آغیر و مظلم طاورانملری اونلرک موقع داخلیرینی درحال صارصمش، دشمنلرینی آیاقلاندیرمشدر۔ بناء علیہ، بونی آکلایوب درحال (برہست - لیتووسق) مذاکراتی نتیجہ یہ ایردیرمہ لیدرلر۔

☞ روسیہ دہ تشکل ایدہن دولتلر میانندہ (اورہنبورغ، اوقا) طرفلرنده (اورال) طاغلری غرب جنوبیسنده تشکل ایدہن (باشقورد) مسلمان جمہوریتی سلاملا مہلی یز۔ بو ایلک مسلمان و تورک حکومتی ایلک پارلامنتوسنی بیلہ طوپلامشدر۔ بو ایکی مسلمان جمہوریتہ بیان خوش آمدی ایلہ برابر اتحاد و عاقلانہ، معتدلانہ حرکت توصیہ ایدہرز۔ بوندن باشقہ قریمدہ دہ بر تاقار حکومتی تشکل ایدر کی اولمشدر۔ کورجستاندہ دہ، قفقاسیہ دہ دہ بویلہ حکومت رشیملری وار۔ بونلرک صوکلری نہ اولاجفی ہنوز بللی دکل۔